



Nóta don Údarás Údarás Craolacháin na hÉireann

An Nuálaíocht agus an Inbhuanaitheacht a

Fheabhsú

Plean Gníomhaíochta BAI um na Meáin Phobail

1. Réamhrá

I mí Eanáir 2019, cuireadh tuarascáil ón nGrúpa Oibre um na Meáin Phobail (“an Tuarascáil”) faoi bhráid an Údaráis. Bhí sraith tograí sa Tuarascáil a bhí tíolactha ag ionadaithe de chuid earnáil an raidió pobail agus earnáil na teilifíse pobail ar cuspóir dóibh an inbhuanaitheacht a fheabhsú agus an rannpháirtíocht a mhéadú. D’ullmhaigh Niamh Farren éascaitheoir neamhspleách an Tuarascáil tar éis sraith cruinnithe in 2018.

Tar éis an phlé, comhaontaíodh go dtiocfadh Feidhmeannacht BAI ar ais agus plean gníomhaíochta i gcomhair 2019 acu, agus an Tuarascáil agus saincheistanna eile a d’eascair as an idirghníomhaíocht níos leithne a bhí ag an BAI le hearnáil na meán pobail ó thaobh fhorbairt na hearnála, an cheadúnúcháin agus an chomhlíonta á gcur san áireamh. Tá an plean gníomhaíochta beartaithe leagtha amach in **Alt 2** thíos. Tá sé tábhachtach a thabhairt faoi deara nach gcuimsíonn an plean dhá réimse a tarraingíodh anuas sa Tuarascáil - oibriú an Chiste Craolacháin agus an Tobhaigh Craolacháin. Tá an Ciste Craolacháin ina ábhar do phróiseas athbhreithnithe reachtúil ar leithligh in 2019, agus tá an Tobhach Craolacháin á mheasúnú ag an Roinn Cumarsáide, Gníomhaithe ar son na hAeráide agus Comhshaoil i gcomhthéacs reachtaíochta nua. Thabharfadh an BAI dá aire leis gur píosa oibre níos substaintiúla é athbhreithniú ar an mbeartas foriomlán a bhaineann leis an gcráolachán pobail ba cheart a mheas i gcomhthéacs na straitéise a thiocfaidh in ionad na Straitéise reatha agus an phlean oibre a ghabhann léi.

2. Gníomhartha Beartaithe

Tá sé seo roinnte ina dhá chuid chun struchtúr na Tuarascála a leanúint agus chun a admháil go bhfuil earnáil an raidió pobail agus earnáil na teilifíse pobail ag céimeanna éagsúla forbartha.

2.1 An Raidió Pobail

- (a) **Modheolaíocht mheastóireachta a fhorbairt, a chur amach mar bheart trialach agus a athbhreithniú lena ndíreofar ar thorthaí sochair shóisialta a thomhas.**



Nóta don Údarás Údarás Craolacháin na hÉireann

Bhí forbairt modheolaíochta meastóireachta nua ar cheann de na príomh-mholtaí a tháinig chun cinn ón Tuarascáil. Faoi láthair, tá an mheastóireacht ar leibhéal na hearnála dírithe ar mhodheolaíocht chainníochtúil lena dtomhaistear guthanna ar an aer. D'fhorbair CRAOL í sin chun tacú leis an gcás ar son maoiniú do Pobal. Spreagann an mhodheolaíocht stáisiúin chun tosaíocht a thabhairt do rannpháirtíocht ó thaobh líon na nguthanna ar an aer agus óna thaobh sin amháin. Dá bhrí sin, ní chuimsíonn sí réimsí ríthábhachtacha amhail rannpháirtíocht in oibriú na seirbhíse. Ina theannta sin, spreagann sí stáisiúin chun uaireanta craolacháin a mhéadú rud a d'fhéadfadh deacrachtaí ó thaobh acmhainne agus comhlíonta a tharraingt mar a shainaithnítear in idirghníomhaíochtaí ag BAI le conraitheoirí.

Rinne an earnáil na chéad chomhpháirteanna de mhodheolaíocht níos cáilíochtúla, bunaithe ar thorthaí, a fhorbairt tríd is tríd in imeacht na mblianta is deireanaí, agus tá samhlacha comhchosúla á gcur chun feidhme faoi láthair san earnáil forbartha pobail níos leithne. D'fhéachfaí sa tionscadal sin le huirlis tomhais den sórt sin a fhorbairt, a chur i ngníomh agus a mheasúnú le 4/5 stáisiún, d'fhonn is go nglacfaidh an earnáil agus maoinitheoirí mar Pobal léi mar mhodheolaíocht oiriúnach. Mar a leagtar amach sa Tuarascáil, tá Pobal ag déanamh athbhreithniú ar an gClár Seirbhísí Pobail ("CSP") - a thacaíonn le stáisiúin phobail - in 2019. Beidh oiriúnacht na modheolaíochtaí meastóireachta, ar nós guthanna ar an aer, ina cuid den athbhreithniú ar CSP agus tá Pobal tar éis a chur in iúl gur spéis leis cuir chuige mhalartacha a scrúdú. Ina theannta sin, ceaptar go mbeidh sé ina chabhair chun tionscnaimh a shainaithint trína méadófaí rannpháirtíocht an phobail san earnáil, cineál agus raon an chaidrimh atá ag stáisiún lena phobal a léiriú agus a dhoiciméadú.

Soláthrófar maoiniú i gcomhair an tionscadail (€30,000) tríd an Scéim Tacaíochta don Chraolachán Pobail (STCP) de chuid chlár Foghlama agus Forbartha Earnála BAI. Tá cistí ar fáil as an mbuiséad a cheadaigh an tÚdarás i mí Eanáir 2019. Tionólfar Comhghrúpa Stiúrtha, ar a mbeidh ionadaithe de chuid Fheidhmeannacht BAI agus CRAOL, chun an tionscadal a bhainistiú agus comhfhoilseachán a bheidh sa tuarascáil deiridh. Tá sé beartaithe go gcuirfean an tionscnamh trialach amach chun tairisceana agus go ndéanfaidh BAI bainistíocht ar an tionscadal le rannpháirtíocht ó CRAOL.

Gníomh 1 - Déanfaidh BAI rannpháirtíocht le CRAOL chun modheolaíocht nua meastóireachta, a bheidh dírithe ar shochar sóisialta, a fhorbairt, a chur i ngníomh agus a athbhreithniú agus tiomnóidh sé €30,000 don tionscadal in 2019.

(b) Rannpháirtíocht le Pobal

Leagadh béim sa Tuarascáil ar nádúr idirspleách an chaidrimh idir BAI agus Pobal maidir le hinbhuanaitheacht agus forbairt na hearnála raidió pobail a chinntiú. Aithnítear sa Tuarascáil athbhreithniú CSP 2019 mar dheis chun dul i ngleic le saincheisteanna a bhaineann leis an gclár reatha agus moltar inti go ndéanfaidh BAI agus CRAOL rannpháirtíocht leis an bpróiseas sin.



Nóta don Údarás Údarás Craolacháin na hÉireann

D'aithin an Fheidhmeannacht cheana féin go raibh gá le leibhéal rannpháirtíochta leanúnaí níos mó idir Pobal agus BAI mar thosaíocht. Bhuaill baill d'fhoireann um Chomhlíonadh BAI le Pobal in 2018 agus chomhaontaigh siad le cur chuige straitéiseach leathan trína bhféachfar leis na hualaí riaracháin reatha ar na páirtithe leasmhara go léir a laghdú. Aontaíodh ina theannta sin le linn an chruinnithe sin gur cheart tuilleadh iniúchta a dhéanamh ar ailíniú níos mó idir BAI agus Pobal i dtaobh roinnt nithe a bhaineann leis an raidió pobail. Leanfaidh Feidhmeannacht BAI ag feabhsú naisc oibríochta le Pobal i réimsí iomchuí chun gníomhartha a shainaithint agus a chur i ngníomh is gníomhartha a chabhróidh le hinbhuanaitheacht earnáil an raidió pobail sa toadhcháí.

Gníomh 2 - Déanfaidh BAI rannpháirtíocht le hathbhreithniú an CSP d'fhonn a chinntiú go bhfanfaidh an scéim ar oscailt agus iomchuí do chraoltóirí pobail.

Gníomh 3 - Leanfaidh BAI ag forbairt a rannpháirtíochta straitéisí le Pobal chun ailíniú a chinntiú nuair is féidir sin i ndáil leis na ceanglais ó thaobh comhlíonadh atá ar chraoltóirí pobail.

(c) Foghlaim agus Forbairt Earnála

I mí na Nollag 2018, d'aontaigh BAI le breithniú a dhéanamh ar thograí i gcomhair maoiniú ilbhliantúil do CRAOL ar an mbonn go n-éascódh sé sin don earnáil pleanáil straitéiseach níos mó a dhéanamh. I mí Eanáir 2019, cheadaigh BAI maoiniú forbartha earnála €120,000 do CRAOL in 2019 agus é bunaithe ar an bplean gníomhaíochta a cuireadh faoina mbráid. Aithníodh struchtúir agus cleachtais laga rialachais in imeacht na mblianta is deireanaí mar dhúshlán mór d'inhuanaitheacht stáisiún pobail aonair. Tá gníomhaíocht á díriú ar an idirghabháil straitéiseach agus ar thacaíocht sa réimse seo agus tacaíonn BAI léi sin trína mhaoiniú foghlama agus forbartha earnála le blianta beaga anuas agus tá sé sin ag leanúint ar aghaidh in 2019¹. Tá sí sin ag cuidiú chun dul i ngleic leis na dúshláin sin agus leanfaidh BAI ag díriú a tacaíochta ar réimsí a shainaithnítear mar thosaíocht óna idirghníomhaíocht ghinearálta le stáisiún phobail.

Gníomh 4 - Díreofar maoiniú Foghlama agus Forbartha Earnála BAI go háirithe ar thionscnaimh trína dtacófar leis an inhuanaitheacht agus trína méadófar an rannpháirtíocht.

¹ Tá obair shuntasach déanta ag an bhFeidhmeannacht leis trína gníomhaíochtaí rannpháirtíochta um Chomhlíonadh le stáisiún raidió pobail



Nóta don Údarás Údarás Craolacháin na hÉireann

(d) Rannpháirtíocht Struchtúrtha fheabhsaithe le CRAOL

Toradh dearfach ón nGrúpa Oibre um na Meáin Phobail ab ea caidreamh feabhsaithe a fhorbairt idir BAI agus an earnáil raidió pobail i ndáil le saincheisteanna forbartha. Molann BAI gur cheart an caidreamh sin a fhorbairt tuilleadh in 2019. D'fhreastail Feidhmeannacht BAI ar chruinnithe réigiúnacha de chuid CRAOL ar iarraidh a fháil uathu roimhe seo agus molann sí go bhfreastalóidh ionadaithe de chuid BAI ar chruinnithe réigiúnacha de CRAOL i gcáil rialta fhoirmiúil as seo amach. Ina theannta sin, beidh an Comhghrúpa Stiúrtha a mholtar faoi (a) thuas leis rannpháirteach iontu.

Gníomh 5 - Forbróidh BAI caidreamh níos struchtúrtha le CRAOL

2.2 An Teilifís Phobail

(a) Bunmhaoiniú/Maoiniú oibríochta

Rinne BAI anailís ar thogra na hearnála maoiniú **€50,000** a thabhairt in aghaidh an stáisiúin teilifíse (Teilifís Phobail Chathair Bhaile Átha Cliath agus Teilifís Phobail Chorcaí) - lena úsáid chun críocha oibríochta amháin. Ní dhéantar foráil sa reachtaíocht reatha, eadhon an tAcht Craolacháin, 2009, maidir le BAI a riar ciste lena soláthraítear bunchostais oibríochta do chraoltóirí pobail. Bunaithe ar mhéid na hearnála, agus ar an meastachán táscach ar bhunchostais, bheadh costas bliantúil an mhaoinithe sin comhionann le **€750,000** in aghaidh na bliana.² Go deimhin, ceanglaítear leis an gcreat ceadúnúcháin in Acht 2009, agus le beartas gaolmhar de chuid BAI, go mbeidh craoltóirí pobail ceadúnaithe ábalta ar thacaíocht a áirithiú faoi chomhair a riachtanas acmhainne. Is fiú a lua leis go n-aithníonn an dá chainéal teilifíse pobail go dteastódh sruth maoiniúcháin nua a bheith ar fáil do BAI chun buntacaíocht oibríochta leanúnach a sholáthar. Sa chomhthéacs sin, tá an dá stáisiún ag iarraidh leithdháileadh 0.5% den táille cheadúnais (€1m) chun na críche sin. Theastódh athrú reachtaíochta i gcomhair aon tionscnamh den sórt sin, agus is ceist don Aire é sin.

² €50,000 in aghaidh an stáisiúin teilifíse agus €30,000 in aghaidh an stáisiúin raidió bunaithe ar Bheartas BAI um an gCraolachán Pobail agus ar an Tuarascáil



Nóta don Údarás Údarás Craolacháin na hÉireann

Is léir ón Tuarascáil, agus ó idirghníomhaíocht BAI leis an dá chainéal, go bhfuil tuairimí difriúla acu araon ar cad í an tsamhail oibríochta is fearr do chainéal teilifíse pobail. Sampla maith de sin is ea an easpa rannpháirtíochta struchtúrtha earnála le Pobal maidir le tacaíocht ón gclár CSP. Ceadáíodh tionscadal CSP do Theilifís Phobail Bhaile Átha Cliath tráth, ach níor tháinig sé chun cinn mar gheall ar fhorbairtí nach raibh aon smacht ag Teilifís Phobail Bhaile Átha Cliath orthu. Ina theannta sin, níor éirigh leo ar an gcuma chéanna maidir le hacmhainní a fháil ó fhoinsí tráchtála agus stáit. Mar gheall ar an éagsúlacht tuairimí agus taithe sin bhí sé deacair pleananna earnála a chur chun cinn sna grúpaí oibre agus tá sé sin le feiceáil sna moltaí atá ar áireamh sa Tuarascáil.

Gníomh 6 - Beartaíonn BAI gan dul ar aghaidh le togra na hearnála teilifíse pobail maidir le bunmhaoiniú/maoiniú oibríochta

(b) Togra ceadúnais a fhadú

Rachaidh na conarthaí ceadúnúcháin don dá chainéal in éag in Aibreán 2020. Ceanglaítear le hAcht 2009 ar BAI measúnú a dhéanamh nó a choimisiúnú ar an méid a d'éascaigh gach cainéal páirt ghníomhach a ghlacadh sa phobal; an bhféachann an pobal ar na cláir: agus tuairimí an phobail ar na cláir.³ D'fhéadfadh an rannpháirtíocht níos leithne sin ag an bpobal a bheith úsáideach chun smaointeoireacht agus díospóireachtaí i dtaobh samhail teilifíse pobail inmharthana i gCorcaigh agus i mBaile Átha Cliath a chur chun cinn. D'fhéadfadh nádúr an taighde, is taighde ar stáisiúin go sonrach, a bheith úsáideach leis i bhfianaise thaithe an Ghrúpa Oibre. Ina theannta sin, d'fhéadfadh an tionscadal píolótach raidió a bheith ina phointe tosaigh úsáideach i gcomhair an chur chuige mhodheolaíoch is mó is cúí. I bhfianaise na n-acmhainní atá ar fáil, na bpróiseas atá beartaithe agus an fhráma ama atá beartaithe, ní bheifear ábalta ar an meastóireacht sin a thabhairt chun críche agus próiseas ceadúnúcháin a chríochnú in imeacht tréimhse 12 mhí. Dá bhrí sin, tá sé beartaithe síneadh conartha 2 bhliain eile a thairiscint don dá chainéal chun go mbeidh dóthain ama i gcomhair na meastóireachtaí reachtúla a dhéanamh agus iad ag súil go gcuideoidh siad sin le díospóireachtaí a chur chun cinn ag leibhéal cainéil i dtaobh samhail oibríochta inbhuanaithe chuí.

Gníomh 7- Beartaíonn BAI síneadh 2 bhliain ar a gconarthaí reatha a thairiscint do Theilifís Phobail Bhaile Átha Cliath agus do Theilifís Phobail Chorcaí chun tuilleadh ama a thabhairt chun samhla oibríochta inmharthana a fhorbairt

³ Alt 72(6)



Nóta don Údarás Údarás Craolacháin na hÉireann

Gníomh 8 - Déanfaidh BAI modheolaíocht a fhorbairt, a chur i ngníomh agus a athbhreithniú chun an ceanglas in Alt 72 (6) a chur i ngníomh i ngach réimse seirbhíse in 2020, d'fhonn an próiseas sin a úsáid chun díospóireachtaí i dtaobh samhlacha teilifíse pobail inmharthana a chur chun cinn agus chun bonn eolais a chur faoin bpróiseas ceadúnúcháin.

(c) Foghlaim agus Forbairt Earnála

I mí Eanáir 2019, cheadaigh BAI maoiniú forbartha earnála €36,000 don CTA in 2019 - bunaithe ar an bplean gníomhaíochta a cuireadh isteach. Bhí na gníomhartha atá beartaithe do 2019 cosúil le tionscadail a maoiníodh agus a tionóladh sna blianta roimhe seo agus bhí ar áireamh orthu meascán d'fhorbairt earnála agus d'fhorbairt a bhí bunaithe go sonrach ar stáisiúin. Laistigh den togra sin, lorg an CTA maoiniú i gcomhair tionscadail bhreise in 2019 leis, i gcomhair cineálacha gníomhaíochtaí nár maoiníodh roimhe sin faoin scéim. Mhaígh an CTA gur pléadh leis na tionscadail sin sna moltaí sa Tuarascáil. Níor aontaigh Feidhmeannacht BAI leis an tátal sin ámh. Dá réir sin, níor cheadaigh an tÚdarás maoiniú do na tograí breise sin.

Á chur sin san áireamh, tairgfídh Feidhmeannacht BAI rannpháirtíocht leis an CTA a fheabhsú maidir le cuspóir agus scóip an mhaoinithe d'Fhorbairt Earnála.

Gníomh 9- Déanfaidh BAI rannpháirtíocht le CTA chun cuspóir agus scóip an mhaoinithe d'Fhorbairt Earnála a shoiléiriú